

卷五

臻記

醫學三字經

醫
書
季
三
字
經

光緒三十四年春月
寶慶經元書局校刊

醫學三字經小引

童子入學塾師先授以三字經欲其便誦也識途也
學醫之始未定先授何書如大海茫茫錯認半字羅
經便入牛鬼蛇神之域余所以有三字經之刻也前
曾託名葉天士取時俗所推崇者以投時好然書中
之奧旨悉本聖經經明而專家之伎可廢謝退谷於
注韓書室得繕本惠書千餘言屬歸本名幸有同志
今付梓而從其說而仍名經而不以爲僭者採集經

文還之先聖海內諸君子可因此一字而共知所遵
且可因此一字而不病余之作嘉慶九年歲次甲子
人曰陳念祖自題於南雅堂

醫學三字經目錄

卷之一

源流

中風

虛癆

咳嗽

瘧疾

痢疾

心痛

腹痛

胸痺

隔食

反胃

氣喘

血症

水腫

脹滿

卷之二

蠱脹

暑症

泄瀉

眩暈

嘔吐

噦呃
逆嘔

癰

狂

癰

五淋

癰閉

濁病

遺精

疝氣

痰飲

消渴

傷寒

瘟疫

婦人

小兒

卷之三

藥方

卷之四

藥方

附錄

○陰陽

識一字便可爲醫說

○臟腑

十二宮

心說

肝說

脾說

肺說

腎說

胃說

膽說

大腸小腸說

三焦說

膀胱說

命門說

○經絡

○四診

望色

聞聲

問證

切脈

○運氣

張飛疇運氣不足憑說

目錄全集終

醫學三字經卷之一

閩吳航陳念祖脩園著

男元豹道彪古愚同校
元犀道照靈石

醫學源流第一

醫之始

本岐黃

黃黃帝也岐岐伯也君臣問答以經絡臟腑運氣治療之原所以

爲醫之祖雖神農本經在黃帝之前而神明用藥之理仍始於內經也

靈樞作

素問詳

靈樞九卷素問九卷通謂之內經漢書藝文志載黃帝內經十八篇

是也醫門此書卽業儒之五經也

難經出

更洋洋

洋洋盛大也難經八十一章多聞

間有與內經不合者其時去古未遠別有考據也○秦越人號扁鵲戰國人著難經

越漢季

有南陽

張機字仲景居南陽官長沙漢人

六經辨

聖道彰

內經詳於鍼灸至伊尹有湯液治

雜病傷寒崱以方藥爲治其方俱原本於神農黃帝相傳之經方而集其大成

傷寒著

金匱藏

王肯堂謂傷寒論義理如神龍出

函示寶貴秘藏之意也其方非南陽所自造也上古聖人所傳之方所謂經方是也其藥悉本於神農本經非此方不能治此病非此藥不能成此方所投必效如桴鼓之相應

垂方法

立津梁

仲師醫中之聖人也儒者不能全至聖之書而求道醫者豈能外仲

師之書以治療

李唐後

有千金

唐孫思邈華原人隱居太白山著千金方千金翼方各三十卷宋仁

宗命高保衡林億校正後列禁經二卷今本分爲九十三卷較金匱雖有浮泛偏雜之處而用意之奇用藥之巧亦自成一家

外臺經

重醫林

唐王燾著外臺祕要四十卷分一千一百四門論宗巢氏方多祕傳

爲醫門之類書

後作者

漸浸淫

等而下之不足觀也已

紅紫色

鄭衛音

開色亂正靡音忘倦

迨東垣

重脾胃

金李杲字明之號東垣老人生於世宗大定二十年金亡大元十七

年乃終年七十二舊本亦題元人作脾胃論辨惑論蘭室祕藏後人附以諸家合刻有東垣十

書傳

世

溫燥行

升清氣

如補中益氣及升陽散火之法如蒼朮白朮羌活獨活木香陳皮葛

根之類最喜用之

雖未醇

亦足貴

人謂東垣用藥如韓信將兵多多益善然駁雜之處不可不知惟以

脾胃爲重故亦可取

若河間

專主火

金劉完素字守真河間人事蹟俱詳金史方技傳主火之說始自河間

遵之經

斷自我

原病式十九條俱本內經至真要大論多以火立論而不能參透經

旨如火之平氣曰升明火之太過曰赫曦火之不及曰伏明其虛實之辨若冰炭之反也

一二方

奇而妥

如六一散防風通聖散之類皆奇而不離於正也

丹溪出

罕與傳

元朱震亨字彥修號丹溪金華人其立方視諸家頗高一格

陰宜補

陽勿浮

丹溪心法以補陰爲主謂陽常有餘陰常不足諸家俱辨其非以人

得天地之氣以生有生之氣卽是陽氣精血皆其化生也

雜病法

四字求

謂氣血痰鬱是也一切雜病只以此四字求之氣用四君子湯血用

四物湯痰用二陳湯鬱用越鞠丸參差互用各盡其妙

若子和

主項

張子和戴人書中所主多大黃芒

驅邪邪去則正安
不可畏攻而養病

病中良

勿太過

子和之法實症自不可廢然亦宜中病而卽止若太過則元氣隨邪

氣而俱散
挽無及矣

四大家

聲名噪

劉河間張子和李東垣朱丹溪爲金元四大家張氏醫通之考核

必讀書

錯名號

李士材醫宗必讀四大家論以張爲張仲景誤也仲景爲醫中之聖

三子豈可

與之並論

明以後

須酌量

言醫書尤棟樑牛可以博覽之以廣見識非謂諸家所著皆善本也

詳而備

王肯堂

金壇王字泰諱肯堂著症治準繩雖無所採擇亦醫林之備考也

薛氏按

說騎牆

明薛已號立齋吳縣人著薛氏醫按十六種大抵以四君子六君子

逍遙散歸脾湯六入味丸主治語多騎牆

士材說

守其常

李中林號士材宗必讀士材三書

國朝人也著醫雖曰淺率卻是

守常初學者所不廢也

景岳出

著新方

明張介賓字會卿號景岳山陰人著類經質疑錄全書所用之方不

外新方入陣其實不足以名方古聖人明造化之機探陰陽之本製出一方非可以思議及者

若僅以熟地補陰人參補陽薑附祛寒苓連除熱隨拈幾味皆可名方何必定爲某方乎

石頑續

溫補鄉

張璐字路玉號石頑國朝人著醫通立論多本景岳以溫補爲主

獻可論

合二張

明甯波趙獻可號養葵著醫貫大旨重於命門與張石頑張景岳之

法相
同

診脈法

瀕湖昂

明李時珍字東壁號瀕湖著本草綱目五十二卷雜收諸說反亂神

農本經之旨卷末刻脈學頗佳今醫多宗之

數子者

各一長

知其所長擇而從之

揆諸古

亦荒唐

理不本於內經法未熟乎仲景縱有偶中亦非不易矩矱

長沙室

尙徬徨

數子雖曰私淑長沙升堂有人而入室者少矣

惟韻伯

能憲章

慈谿柯琴字韻伯國朝人著傷寒論註論翼大有功於仲景而內

經之旨賴之以彰

徐尤著

本喻昌

徐彬號忠可尤怡號在涇二公金匱之注俱本喻嘉言考嘉言名昌

江西南昌人崇禎中以選舉入都卒無所就遂專務於醫著尙論篇主張太過而醫門法律頗

能闡發金匱之祕旨

大作者

推錢塘

張志聰號隱菴高世栻號士宗俱浙江錢塘人也國朝康熙間二

公同時學醫與時不合遂閉門著書以爲傳道之計所注內經本草經傷寒論金匱等書各出

手眼以發前人所未發爲漢後第一書今醫畏其難而不敢談及

取法上

得慈航

取法乎上僅得其中切不可醫

回春本草綱目東醫寶鑑馮氏錦囊景岳全書薛氏醫按等書爲捷徑也今之醫輩於此書並未寓目止取數十種庸陋之方冀圖倖中更不足論也

中風第二

人百病

首中風

內經云風爲百病之長也昔醫云

目瞽鼻塞便難之症中腑多著四肢中經則口眼喎斜中血脈則半身不遂

驟然得

八方通

中風病驟然昏倒不省人事或痰湧掣搐偏枯等症八方者謂東西

南北東北西北
東南西南也

閉與脫

大不同

風善行而數變其所以變者亦因人之臟腑寒熱爲轉移其人臟腑

素有鬱熱則風乘火勢火借風威而風爲熱風矣其人臟腑本屬虛寒則風水相遭寒水徹骨而風爲寒風矣熱風多見閉症宜疏通爲先寒風多見脫症宜溫補爲急

開邪閉

續命雄

小續命湯風症之雄師也依六經見症加減治之端主驅邪○閉者

宜開或開其表如續命湯是也或開其裏如三化湯是也或開其壅滯之痰如稀涎散滌痰湯是也

固氣脫

參附功

脫者宜固參附湯固守腎氣尤附湯固守脾氣芪附湯固守衛氣歸

附湯固守營氣先固其氣次治其風若三生餒
一兩加人參一兩則爲標本並治之法正虛邪
盛必遵此法

顧其名

思其義

名之曰風明言八方之風也名之曰中明言風自外入也後人議論

穿鑿俱不可從

若舍風

非其治

既名中風則不可舍風而別治也

火氣痰

三子備

劉河間舉五志過極動火而卒中皆因熱甚故主乎火大法用防風

通聖散之類亦有引火歸源如地黃飲子之類
李東垣以元氣不足而邪湊之令人卒倒如風
狀故主乎氣虛大法補中益氣湯加減朱丹溪
以東南氣溫多溼有病風者非風也由溼生痰

痰生熱熱生風故主平經大法以二
陳湯加蒼朮白朮竹瀝薑汁之類

不爲中

名爲類

中者自外而入於內也此三者既
非外來之風則不可仍名爲中時

賢名爲
類中風

合而言

小家伎

虞天民云古人論中風言其症也
三子論中風言其因也蓋因氣因

溼因火挾風而作何
常有真中類中之分

瘖喎斜

昏仆地

瘖者不能言也喎斜者口眼不正
也昏仆地者不省人事猝倒於地

也○口開目合或上視撒手
遺尿鼾睡汗出如油者不治

急救先

柔潤次

柔潤熄風爲治中風之秘法喻嘉
言加味六君子湯資壽解語湯桃

填竅方

宗金匱

內經云邪害空竅金匱中有侯氏

空竅滿則內而舊邪不能容外而新風不復入矣喻嘉言曰仲景取藥積腹中不下填竅以熄風後人不知此義每欲開竅以出其風究竟竅空而風愈熾長此安窮哉三化湯愈風湯大秦荒湯皆出機要方中云是通真子所撰不知其姓名然則無名下士煽亂後人見聞非所謂一盲引眾盲耶

虛癆第三

虛癆病

從何起

咳嗽吐血五心煩熱目花耳鳴口爛鼻乾氣急食不知味羸瘦驚悸

夢遺往來寒熱怠惰嗜臥疲倦骨蒸不寐女子不月等症皆成癆病

七情傷

上損是

扁鵲謂損其陽自上而下一損肺

其說本於內經二損心三損胃過於胃則不可治
爲女子不月○按心脾土也至不得隱曲女子
不月則上
極而下矣

歸脾湯

二陽旨

卽內經二陽之病發心脾之旨也
此方爲養神法六味丸爲補精法

高鼓峯
並用之

下損由

房帷過

扁鵲謂損其陰自下而上一損腎
二損肝三損脾過於脾則不可治

其說本於內經五藏主藏精也不可傷傷則失
守而無氣無氣則死矣○精生於五藏而統司
於腎如色慾過度則積傷而下損
至於失守無氣則下極而

傷元陽

虧腎水

腎氣卽元陽少便溏腰痛陽痿等症

傷爲困倦食

陰也元陰虧爲蒸熱咳嗽吐血便血遺精喉痛口瘡齒牙浮動等症

腎水虧

六味擬

六味地黃丸爲補腎水之主方景岳左歸飲左歸丸亦妙推之三才

湯入仙長壽丸都氣丸天玉補心丹皆可因症互服

元陽傷

八味使

崔氏腎氣丸後人爲八味地黃丸立方之意原爲暖腎逐水非補養

元氣明薛立齋及趙養葵始用以溫補命火時醫遂奉爲溫補腎命之主方景岳左歸飲左歸丸皆本諸此如火未大衰者以還少丹代之陽虛極者宜近效白朮湯

各醫書

伎止此

苦寒敗胃及辛熱耗陰固無論已卽六味歸脾何嘗非流俗之套法

甘藥調

回生理

扁鵲云鍼藥莫治者請以甘藥仲景因之喻嘉言曰壽命之本積精

至剛然精生於穀穀入少則不能生血血少則不能化精內經云精不足者補之以味味者五穀之味也補以味而節其勞則積貯漸富大命不傾也

建中湯

金匱軌

小建中湯及加黃耆加人參加當歸加白朮等湯皆急建其中氣俾

飲食增而津液旺以至充血生精而復其真陰之不足但用稼穡作甘之本味而酸辛苦鹹在所不用蓋舍此別無良法也○按炙甘草湯卽此湯化爲涼劑

薯蕷丸

風氣彈

金匱薯蕷丸自注云治虛癆諸不足風氣百疾

廬蟲丸

乾血以

金匱大黃廬蟲丸自注治五癆諸傷內有乾血肌膚甲錯

二神方

能起死

尤在涇云風氣不去則足以賊正氣而生長不榮以薯蕷丸爲要方

乾血不去則足以害新血而灌溉不周以盛蟲丸爲上劑今之醫輩能夢見此二方否

咳嗽第四

氣上喘

欬嗽生

內經云五臟六腑皆令人咳不獨肺也然肺爲氣之市諸氣上逆於

肺則喘而咳是咳嗽不止於肺而亦不離於肺也

肺最重

胃非輕

內經雖分五臟諸咳而所尤重者在聚於胃關於肺六字蓋胃中水

穀之氣不能如霧上蒸於肺而轉漑諸臟只是留積於胃中隨熱氣而化爲痰隨寒氣而化爲飲胃中既爲痰飲所滯則輸肺之氣亦必不清而爲諸咳之患矣

肺如鐘

撞則鳴

肺爲臟腑之華蓋呼之則虛吸之則滿只受得本然之正氣受不得

外來之客氣客氣干之則嗆而咳矣亦只受得臟腑之清氣受不得臟腑之病氣病氣干之亦嗆而咳矣肺體屬金譬若鐘然

一外一內皆所以撞之使鳴也

風寒入

外撞鳴

經云微寒微咳可見咳嗽多因於風寒也風從皮毛而入於肺寒從

背俞而入於肺皆王乎外也後注雖言熱言溼言燥令不自行亦必假風寒以爲之帥也

癆損積

內撞鳴

癆傷咳嗽主乎內也二者不治至於咳嗽失音是金破不鳴矣

誰治外

六安行

六安煎雖無深義卻亦平穩然外感諸咳當辨風熱風燥二症如冬

時先傷非節之癢復加風寒外遏以致咳嗽痰結咽腫身重自汗脈浮者風熱也宜萎蕤湯辛

潤之劑切勿辛熱發散而風燥一症辨治尤難
蓋燥爲秋氣令不獨行必假風寒之威而令乃
振欬乃發也內經只言秋傷於溼何也以長夏
受溼土鬱蒸之氣隨秋令收斂伏於肺胃之間
直待秋深燥令大行與溼不能相容至冬而爲
咳嗽也此症有肺燥胃溼兩難分解之勢唯于
金麥門冬湯五味子湯獨得其祕後人以
斂散不分燥潤雜出棄之昧之甚也

誰治內

虛癆程

宜於虛癆問擇其對症之方審是
房癆傷精則補精審是思鬱傷脾

則養

神

挾水氣

小龍平

柯韻伯治咳嗽不論冬夏不拘淺
深但是寒嗽俱用小青龍湯多效

方中驅風散寒解肌逐水利肺煖腎除痰定喘
攘外安內各盡其妙蓋以肺家沉寒痼冷非麻

黃大將不能搗其巢
文羣藥安能奏效也

兼鬱火

小柴清

寒熱往來咳嗽者宜去人參
大棗生薑加乾薑五味治之

薑細味

一齊烹

金匱治痰飲咳嗽不外小青龍湯
加減方中諸味皆可去取唯細辛

乾薑五味不肯輕去卽面熱如醉加大黃以清
胃熱及加石膏杏仁之類總不去此三味學者
不可深思其故也徐忠可金匱辨註有論

長沙法

細而精

金匱痰飲咳嗽
治法宜熟讀之

瘧疾第五

瘧爲病

屬少陽

少陽爲半表半裏邪居其界入與
陰爭則寒出與陽爭則熱爭則病

作息則病止止後其邪仍據於少陽之經

寒與熱

若迴翔

寒熱必應期而至

日一發

亦無傷

邪淺則一日一作邪深則二日一作

三日作

勢猖狂

瘧三日一作時醫名三陰瘧留連難愈

治之法

小柴方

以小柴胡湯為主初起俗忌人參姑從俗而去之加青皮一錢

熱偏盛

加清涼

小柴胡湯加知母花粉石膏黃連之類隨宜擇用

寒偏重

加桂薑

加乾薑桂枝甚者加附子肉桂

邪氣盛

去參良

身熱者小柴胡湯去人參加桂枝一錢服後食熱粥溫覆取微汗

常山入

力倍強

小柴胡湯加常山二三錢俗云邪未淨不可用常山以截之不知常

山非截邪之品乃驅邪外出之品仲景用其苗名曰蜀漆

大虛者

獨參湯

虛人久瘧不愈以人參一兩生薑五錢水煎五更服極效貧者以白

朮一兩代之熱多者以當歸代之

單寒牡

理中匡

單寒無熱名曰牡瘧宜附子理中湯加柴胡治之

單熱瘧

白虎詳

單熱無寒名曰瘧瘧或先熱後寒名曰熱瘧俱宜以白虎湯加桂枝

治之時醫以六味湯加柴胡芍藥治之

法外法

辨微茫

已上皆前醫之成法更法外有法不可不辨而治之

消陰翳

制陽光

熱之不熱是無火也益火之源以消陰翳寒之不寒是無水也壯水

之主以制陽光

太僕注

慎勿忘

王太僕消陰制陽等註千古不刊之論趙養葵遵之以八味丸益火

之源六味丸壯水之主久瘡多以此法收功

痢症第六

溼熱傷

赤白痢

王損菴論痢專主溼熱其症裏急後重腹痛欲更不便濃血穢濁或白或赤或赤白相半

熱勝濕

赤痢清

胃勝於濕則傷胃之血分而爲赤痢

濕勝熱

白痢墜

溼陰邪也溼勝於熱則傷胃之氣分而爲白痢○赤白相半則爲氣

血兩傷

調行箴

須切記

行血則濃血自愈調氣則後重自除此四句爲治初痢之格言須切

記之

芍藥湯

熱盛餌

芍藥湯調氣行血雖爲初痢之總方究竟宜於熱症

平胃加

寒溼試

寒溼瀉痢初起者以平胃散加乾薑澤瀉豬苓木香治之久而不愈

送下香連丸

熱不休

死不治

方書云痢症發熱不休者不治

痢門方

皆所忌

凡痢症初起卽發熱非肌表有邪卽經絡不和溫散而調營衛外邪

一解痢亦鬆去若概以爲熱開手
卽用痢門套方多有陷入變劇者

桂葛投

鼓邪出

時醫有發汗之戒以其無外證而
妄汗之也若頭痛發熱惡寒有汗

宜用桂枝湯法無汗宜用葛根
湯法鼓邪外出然後治其痢

外疏通

內暢遂

此二句是解所以發汗之故也張
飛疇云當歸四逆湯治痢極效若

發熱而嘔者小柴胡湯葛根黃連黃芩甘
草湯口渴下重者白頭翁湯如神甚妙

嘉言書

獨得闕

喻嘉言醫門法律
中議論甚見透徹

寓意存

補金匱

喻嘉言寓意草中如麻黃附子細
辛湯及人參敗毒散等案卻能補

金匱所

未及

心腹痛胸痺第七

心胃疼

有九種

真心痛不治今所云心痛者皆心胞絡及胃腕痛也共有九種宜細

辨之

辨虛實

明輕重

虛者喜按得食則止脈無力實者拒按得食愈痛脈有力二症各有

輕重

痛不通

氣血壅

痛則不通氣血壅滯也

通不痛

調和奉

通則不痛氣血調和也○高士宗云通之之法各有不同調氣以和

血調血以和氣通也上逆者使之下行中結者使之旁達亦通也虛者助之使通寒者溫之使

通無非通之之法也若必以下洩爲通則妄矣

一蟲痛

烏梅圓

蟲痛時痛時止脣舌上有白花點得食愈痛蟲爲厥陰風木之化宜

烏梅丸

二注痛

蘇合硃

入山林古廟及見非常之物脈乍大乍小兩手若出兩人宜蘇合丸

研而灌之

三氣痛

香蘇專

因大怒及七情之氣作痛宜香蘇飲加元胡索二錢七氣湯亦妙又

方用百合一兩烏藥三錢水煎服

四血痛

失笑先

瘀血作痛痛如刀割或有積塊脈瀦大便秘黑宜桃仁承氣湯失笑散

五悸痛

妙香散

悸痛卽虛痛也痛有作止喜按得食稍止脈虛弱宜妙香散或理中

湯加肉桂
木香主之

六食痛

平胃煎

食積而痛噯腐吞酸其痛有一條扛起者宜平胃散加山查穀芽主

之傷酒再加葛根三錢砂仁一錢然新傷吐之久傷下之爲正法

七飲痛

二陳咽

停飲作痛時吐清水或脇下有水聲宜二陳湯加白朮澤瀉主之甚

者十棗湯之類亦可暫服

八冷痛

理中全

冷痛身涼脈細口中和宜理中湯加附子肉桂主之兼嘔者吳茱萸

湯主

之

九熱痛

金鈴痊

熱痛身熱脈數口中熱宜金鈴子元胡索各二兩研末黃酒送下二

錢名金鈴子散甚效如熱甚者用黃連梔子之類入生薑汁治之

腹中痛

照諸篇

臍上屬太陰中臍屬少陰臍下屬厥陰兩脇屬少陽厥陰之交界地

面宜分治之然其大意與上相同

金匱法

可回天

金匱要略中諸議論皆死症求生之法

諸方論

要拳拳

中庸云則拳拳服膺而弗失之矣○腹滿痛而不利者虛矣吐瀉而

痛太陽症也宜理中湯雷鳴切痛嘔吐者寒氣也宜附子梗米湯此以下利而知其虛也胸滿痛而大便閉者實也閉痛而不發熱者宜厚朴三物湯喘攻其裏閉痛而兼發熱者宜厚朴七

物湯兼通表裏閉痛發熱痛連脇下脈緊弦者宜大黃附子湯溫下並行此以便閉而知其實也若繞臍疼痛名寒痛烏頭煎之峻不敢遽用而當歸生薑羊肉湯之妙更不可不講也

又胸痺

非偶然

胸膈之上人身之太空也宗氣積於此非偶然也

薤白酒

妙轉旋

括薤薤白酒湯或加半夏或加枳實薤白桂枝湯之類皆轉旋妙用

虛寒者

建中填

心胸大寒痛嘔不能飲食寒氣上衝有頭足不可觸近宜大建中湯

主之上中二焦爲寒邪所痺故以參薑啟上焦之陽合飴糖以建立中氣而又加椒性之下行降逆上之氣復下焦之陽爲補藥主方

隔食反胃第八

隔食病

津液乾

方書名隔者以病在隔上是也又名隔者以食物不下而阻隔也津

液乾枯爲
隔食病源

胃脘閉

穀食難

胃脘乾枯閉小水
飲可行食物難下

時賢法

左歸餐

趙養葵用大劑六味湯主之高鼓
峯倣趙養葵之法以六味加生地

當歸主之楊乘六用左歸飲去茯苓加當歸生
地以左歸湯中有甘草引入陽明開展胃陰去
茯苓者恐其旁流入坎不
如耑顧陽明之速效也

胃陰展

賁門寬

如膏如脂壘積胃底卽胃陰也久
隔之人則胃陰亡矣高鼓峯云治

隔一陽明盡之陽明者胃也但使胃陰充拓在
上之賁門寬展則食物入在下之幽門闌門滋

潤則二便不開而隔症愈矣

啓膈飲

理一般

啓膈飲亦是和胃養陰之意但此方泄肺氣之鬱彼方救腎水之枯

一陰一陽宜擇用之

推至理

衝脈干

張石頑云膈咽之間交通之氣不得降者皆衝脈上行逆氣所作也

大半夏

加蜜安

衝脈不治取之陽明仲景以半夏降衝脈之逆卽以白蜜潤陽明之

燥加入參以生既亡之津液用甘瀾水以降逆上之水液古聖之經方唯仲景知用之

金匱秘

仔細看

金匱明明用半夏後人諸書皆以半夏爲戒毀聖之說倡自何人君

子惡之

若反胃

實可歎

食得入而良久反出名爲反胃

朝暮吐

分別看

朝食暮吐暮食朝吐與隔食症宜分別而藥之

乏火化

屬虛寒

王大僕云食不得入是有火也食入反出是無火也此症屬中焦下

焦火衰

無疑

吳萸飲

獨附丸

妙在吳萸鎮厥陰逆氣配入甘溫令震坤合德土木不害○生附子

以百沸湯俟溫浸去鹽日換湯三次三日外去皮放地上四面以磚圍外以炭火燒一時則附子盡裂乘熱投以薑汁又如法製之大抵一斤附子配一斤薑汁以薑汁乾爲度研末蜜丸以粟稀粥送下二錢

六君類

俱神丹

六君子湯加薑附及
附子理中湯之類

氣喘第九

喘促症

治分門

氣急而上奔宜
分別而治之

鹵莽輩

只貞元

貞元飲是治血虛而氣無所附以
此飲濟之緩之方中熟地當歸之

潤所以濟之甘草之甘所以緩之常服調養之
劑非急救之劑也今醫遇元氣欲脫上奔之症
每用此飲以速
其危良可浩歎

陰霾盛

龍雷奔

喘症多屬飲病飲爲陰邪非離照
當空羣陰焉能退避若地黃之類

附和其陰則陰霾冲逆肆空飲邪滔
天莫救而龍雷之火愈因以奔騰矣

實喘者

痰飲援

喘症之實者風寒不解有痰飲而爲之援則咳嗽甚而喘症作矣

葶藶飲

十棗湯

肺氣實而氣路閉塞爲喘者以葶藶大棗湯主之咳嗽氣喘心下停

飲雨脇滿痛者以十棗湯主之

青龍輩

撤其藩

此方解表兼能利水治內外合邪以兩撤之

虛喘者

補而溫

虛喘氣促不能接續脈虛細無力溫補二字宜串看有以溫爲補者

有以補爲溫者切不可走於貞元一路留滯痰涎也

桂苓類

腎氣論

仲景云氣短有微飲者宜從小便去之桂苓朮甘湯主之腎氣丸亦

主之

平衡逆

泄奔豚

衝氣上逆宜小半夏加茯苓湯以

上逆衝心宜茯苓桂枝甘草大棗湯以安之

真武劑

治其源

經云其標在肺其本在腎真武湯爲治喘之源也

金水母

主諸坤

肺屬金而主上腎屬水而主下虛喘爲天水不交之危候治病當求

其本須知天水一氣而位乎天水之中者坤土也况乎土爲金母金爲水母危篤之症必以脾

胃爲

主

六君子

妙難言

六君子湯加五味乾薑北細辛爲治喘神劑面腫加杏仁面熱如醉

加大黃此法時師聞之莫不驚駭能讀金匱者始知子言之不謬也

他標劑

忘本根

唯黑錫丹鎮納元氣爲喘症必用之劑此外如蘇子降氣湯定喘湯

血症第十

及沉香黑鉛丹皆是害人之劑

血之道

化中焦

經曰中焦受氣取汁變化而赤是謂血

本衝任

中澆滂

血之流溢半隨衝任而行於經絡

溫肌腠

外逍遙

血之流溢半散於脈外而充肌腠皮毛

六淫逼

經道搖

六淫者風寒暑溼燥火也經常也道淫者風寒暑溼燥火也經常也

傷之則

搖動

宜表散

麻芍條

外傷宜表散東垣治一人內蘊虛熱外感大寒而吐血法仲景麻黃

湯加補劑名麻黃人
參芍藥湯一服而愈

七情病

溢如潮

七情者喜怒哀懼愛惡欲也七情之動出於五志醫書恆謂五臟各

有五志受傷既久則爲虛火宜以甘溫之法治之

引導法

草薑調

甘草乾薑湯如神或加五味子二錢火盛者加乾桑皮三錢小麥一

兩時醫因歸脾湯有引血歸脾之說謂引血歸脾卽是歸經試問脾有多大能容離經之血成斗成盆盡返而歸於內而不裂破乎市醫固無論矣而以名醫自負者亦蹈此弊實可痛恨

溫攝法

理中超

理中湯加木香當歸煎服凡吐血服涼藥及滋潤益甚外有寒冷之

象者是陽虛陰走也必用此方血得煖則循行經絡矣此法出仁齋直指

涼瀉法

令瘀銷

火勢盛脈洪有力寒涼之劑原不可廢但今人於血症每用藕節黑

梔白芩舊墨之類以止瀉之致留瘀不散以爲咳嗽虛癆之基金匱瀉心湯大黃倍於芩連爲寒以行瘀法柏葉湯治吐不止爲溫以行瘀法二方爲一溫一寒之對子

赤豆散

下血標

糞前下血爲近血金匱用當歸赤小豆散

若黃土

實翹翹

糞後下血爲遠血金匱用黃土湯

一切血

此方饒

黃土湯不獨糞後下血方也凡吐血衄血便血小便血婦人血崩及

血痢久不止可以統治之以此方煖中宮土臟又以寒熱之品互佐之步步合法也五臟有血六腑無血觀剖諸獸腹心下夾脊包絡中多血肝內多血心脾肺腎中各有血六腑

無血近時以吐血多者謂爲吐胃血皆耳食昔醫之誤凡吐五臟血必死若吐血衄血下血皆是經絡散行之血也

水腫第十一

水腫病

有陰陽

腫皮膚腫大初起目下有形如臥蠶後漸及於一身按之卽起爲水

腫按之陷而不起爲氣腫景岳以卽起爲氣不起爲水究之氣行水卽行水滯氣亦滯可以不必分也以陰水陽水爲分別

便清利

陰水

屬寒名爲陰水小便自利口不渴

便短縮

陽水

屬熱名爲陽水小便短縮口渴

五皮飲

元化方

以皮治皮不傷中氣
方出華元化中藏經

陽水盛

加通防

五皮飲加木通防已
赤小豆之類

陰水盛

加桂薑

五皮飲加乾姜
肉桂附子之類

知實腫

蘿枳商

知者真知其病情而無兩可之見
壯年腫病驟起脈實者加蘿葡子

枳實
之類

知虛腫

參朮良

老弱病久腫漸成脈虛
者加人參白朮之類

兼喘促

真武湯

真武湯腫甚小便不利氣喘尺脈虛者宜
真武湯煨土行水間用桂苓甘朮

湯化太陽之氣守服十餘劑繼用導水茯苓湯
二劑愈今人只重加味腎氣丸而不知其補助

陰氣及益水邪
不可輕服也

從俗好

別低昂

已上諸法皆從俗也然從俗中而

五水辨

金匱詳

病有從外感而成者名風水病從

表而在裏者名皮水病有不因於風由三陰結

而成水者名正水病有陰邪多而沉於下者名

石水病有因風因水傷心鬱熱名黃汗金匱最

詳熟讀全書自得其旨否則鹵莽誤事耳○藥

方中精義頗
詳宜細玩之

補天手

十二方

越婢湯防已茯苓湯越婢加白朮

湯蒲灰散薏苡桂酒湯桂枝加黃耆湯桂枝湯

麻辛附子湯枳朮湯附方外臺防已黃耆湯

肩斯道

勿炎涼

羣言淆亂衷於聖以斯道爲已
任勿與世爲浮沉余有厚望焉

醫學三字經卷之三

閩吳航陳念祖脩園著

男

元豹道彪古愚
元犀道照靈石

同校

脹滿蠱脹第十二

水腫參看

脹爲病

辨實虛

脹者脹之於內也虛脹誤
攻則壞實脹誤補則增

氣驟滯

七氣疏

七氣湯能
疏通滯氣

滿拒按

七物湯

腹滿拒按宜金匱厚樸七物湯即
桂枝湯小承氣湯合用以兩解表

裏之實

邪也

脹閉痛

三物鋤

腹滿而痛若大便實者宜金匱厚樸三物湯行氣中兼蕩實法以鋤

其病根○以上言實脹之治法

若虛脹

且躊躇

仔細診視勿輕下藥

中央健

四旁如

喻嘉言云執中央以運四旁千古格言

參竺典

大地輿

土木無忤則爲復佛經以風輪主持大地余於此悟到治脹之源頭

單腹脹

實難除

四肢不腫而腹大如鼓

山風卦

指南車

周易卦象山風蠱

易中旨

費居諸

易曰蠱剛上而柔下巽而止蠱注卦變卦體剛上柔下上情高亢而

不下接下情退縮而不上交兩情不相通也卦
德下巽上止在下逡巡畏縮而无敢爲之心在
上因循止息而无必爲之志庶事日以隳也此
言致蠱之由醫者參透此理亦知蠱病之由○
易又曰蠱元亨而天下治也利涉大川往有事
也先甲三日後甲三日終則有始天行也注當
蠱壞之日有人以治之以至於元亨而天下之
治實始於此也曰利涉大川者言治蠱之人宜
涉險阻以濟之其止也當矯之以奮發其巽也
當矯之以剛果是往有事也治之道必先甲
三日以更改後甲三日以圖終則撥亂反治亂
之終卽治之始終則有始人事之挽回卽天運
之循環天行也此言治蠱之事醫者參透此理
亦可以治蠱病矣要知人身中胃屬艮卦不欲
其一向苟止肝屬巽卦不欲其一向卑巽利涉
大川元亨前大有經濟自新丁寧涉川時大費

精神能具此回天手段而後無愧爲上醫

暑症第十三

傷暑症

動靜商

夏月傷暑分動靜者說本東垣

動而得

熱爲殃

得於長途赤日身熱如焚面垢體倦口渴渴脈洪而弱

六一散

白虎湯

六一散治一切暑症白虎湯加人參者以大汗不止暑傷元氣也加

蒼朮者治身熱足冷以暑必挾溼也

靜而得

起貪涼

處於高廈深室畏熱貪涼受陰暑之氣

惡寒象

熱逾常

惡寒與傷寒同而發熱較傷寒倍盛

心煩辨

切莫忘

雖同傷寒而心煩以別之
且傷寒脈盛傷暑脈虛

香薷飲

有專長

香薷發汗利水爲暑症之專藥也
有謂夏月不可用香薷則香薷將

用於何時也

大順散

從症方

此治暑天畏熱貪涼成病非
治暑也此舍時從症之方

生脈散

久服康

此夏月常服之
劑非治病方也

東垣法

防氣傷

暑傷元氣藥宜從補東
垣清暑益氣湯頗超

雜說起

道弗彰

已上皆諸家之臆說而先聖之道
反爲之晦若行道人不熟記

之以資
顧問

若精蘊

祖仲師

仲景傷寒論金匱要略座

太陽病

旨在茲

仲師謂太陽中喝太陽二字大眼

陽二字以喝醒之寒暑皆爲外邪中於陽而陽氣盛則寒亦爲熱中於陽而陽氣虛則暑亦爲寒若中於陰無分寒暑皆爲陰症如酷暑炎熱並無寒邪反多陰症總之邪之中人隨人身之六氣陰陽虛實而旋轉變化非必傷寒爲陰中暑爲陽也

經脈辨

標本歧

師云太陽中喝發熱者病太陽而得本寒之氣也身重而疼痛者病太陽通體之

經也脈弦細者病太陽通體之脈也小便已醺醺然毛聳手足逆冷者病太陽本寒之氣不得陽熱之化也小有勞身即熱口開前板齒

燥者病太陽標陽之化不得陰液之滋也此太陽中喝標本經脈皆病治當助其標本益其經脈若妄施汗下溫鍼則誤矣

臨症辨

法外思

愚按借用麻杏石甘湯治中暑頭

膠雞子黃湯治心煩不得臥之內症至柴胡梔子承氣等湯俱可取用師云渴者與豬苓湯又云瘀熱在裏用麻連軹豆湯育陰利溼俱從小便而出此法外之法神而明之存乎其人焉

方兩出

大神奇

暑之中人隨人之陰陽虛實爲旋轉變化如陽臟多火暑卽寓於火

之中爲汗出而煩渴師有白虎加人參之法如陰臟多溼暑卽伏於溼之內爲身熱疼重脈微弱師以夏月傷冷水水行皮膚所致指暑病以溼爲病治以一物瓜蒂湯令水去而溼無所依

而亦解也

泄瀉第十四

溼氣勝

五瀉成

書云溼成五泄

胃苓散

厥功宏

胃苓散煖脾平胃利水爲泄瀉之要方

溼而冷

萸附行

胃苓散加吳茱萸附子之類腹痛加木香

溼而熱

連苓程

胃苓散加黃芩黃連熱甚去桂枝加葛根

溼挾積

麴查迎

食積加山查神麴酒積加葛根

虛兼溼

參附苓

胃苓散加人參附子之類

脾腎瀉

近天明

五鼓以後瀉者腎虛也瀉有定時者土主信脾虛也故名脾腎瀉

四神服

勿紛更

四神丸加白朮人參乾薑附子茯苓嬰粟殼之類爲丸久服方效

恆法外

內經精

照此法治而不愈者宜求之內經

腸臟說

得其情

腸熱臟寒腸寒臟熱內經精義張石頑頗得其解

瀉心類

特丁甯

諸瀉心湯張石頑俱借來治瀉與內經之旨頗合詳載醫學從眾錄

眩暈第十五

眩暈症

皆屬肝

內經云諸風掉眩皆屬於肝

肝風木

相火干

厥陰爲風木之藏厥陰風木爲少陽相火所居

風火動

兩動搏

風與火皆屬陽而主動兩動相搏則爲旋轉

頭旋轉

眼紛繁

此二句寫眩暈之象也

虛痰火

各分觀

仲景主痰飲丹溪宗河間之說謂無痰不眩無火不暈內經云精虛

則眩又云腎虛則頭重高搖髓海不足則腦轉耳鳴諸說不同如此

究其指

總一般

究其殊途同歸之旨木動則生風風生而火發故河間以風火立論

也風生必挾木勢而剋土土病則聚液而成痰故仲景以痰飲立論丹溪以痰火立論也究之腎爲肝母腎主藏精精虛則腦空腦空則旋轉而耳鳴故內經以精虛及髓海不足立論也言虛者言其病根言實者言其病象其實一以貫之也

痰火亢

大黃安

寸脈滑按之益堅者爲上實丹溪用大黃一味酒炒三遍爲末茶調

下一
二錢

上虛甚

鹿茸餐

寸脈大按之卽散者爲上虛宜鹿茸酒鹿茸生於頭取其以類相從

且入督脈而通於腦每用半兩酒煎去滓入麝香少許服或用補中益氣湯及耆朮膏之類○此症如釣藤天麻菊花之類俱可爲使

欲下取

求其端

端頭也謂尋到源頭也欲榮其上必灌其根古人有上病下取法

左歸飲

正元丹

左歸飲加肉蓯蓉川芎細辛甚效正元丹亦妙

嘔噦吐第十六

呃逆附

嘔吐噦

皆屬胃

嘔字從漚漚者水也口中出水而無食也嘔吐者水與食並出也噦

者口中有穢味也又謂之乾嘔口中有穢味未有不乾嘔也呃逆者氣衝有聲聲短而頻也其病皆屬於胃

二陳加

時醫貴

二陳湯倍生薑安胃降逆藥也寒加砂仁香若熱加橫茹每石斛之類

玉函經

難彷彿

寒熱攻補一定不移

小柴胡

少陽謂

寒熱往來而嘔者屬少陽也

吳茱萸

平酸味

吳茱萸湯治陽明食穀欲嘔者又治少陰症吐利手足逆冷煩躁欲

死者又治乾嘔吐涎沫者
○此症嘔時多有酸味

食已吐

胃熱沸

食已卽吐其人胃素有熱食復入兩熱相衝不得停留

黃草湯

下其氣

大黃甘草湯治食已卽吐金匱云欲吐者不可下之又云食已卽吐

者大黃甘草湯下之何也曰病在上而欲吐宜因而越之若逆之使下則必憤亂益甚若既吐矣吐而不已是有升無降當逆折之

食不入

火堪畏

王太僕云食不得入是有火也

黃連湯

爲經緯

喻嘉言用進退黃連湯柯韻伯用乾薑黃連黃芩人參湯推之瀉心

湯亦可借用以此數湯爲經緯

若呃逆

代赭藁

代赭旋覆湯治噫氣卽治呃逆若久病呃逆爲胃氣將絕用人參一

兩乾薑附子各三錢丁香柿
蒂各一錢可救十中之一

癲狂癇第十七

重陽狂

重陰癲

內經云重陽者狂重陰者癲

靜陰象

動陽宣

癲者笑哭無時語言無序其人常
靜狂者詈罵不避親疎其人常動

狂多實

痰宜蠲

蠲除頑痰滾痰丸加烏梅硃砂治
之生鐵落飲當歸承氣湯亦妙

癲虛發

石補天

磁硃丸是煉石補天手法
駱氏內經拾遺用溫膽湯

忽搐搦

癇病然

手足抽掣猝倒無知忽作
忽止病有間斷故名曰癇

五畜狀

吐痰涎

肺如犬吠肝如羊嘶心如馬鳴脾
如牛吼腎如豬叫每發必口角

有生病

歷歲年

由母腹中受驚積久失調一觸而發病起於有生之初非年來之新

病也內經拾遺用溫膽湯柯韻伯用磁硃丸

火氣亢

蘆薈平

火氣亢必以大苦大寒之劑以降之宜當歸蘆薈丸

痰積痞

丹礬穿

丹礬丸能穿入心胞絡導其痰涎從大便而出然不如磁硃丸之當

三症本

厥陰愆

已上治法時醫習用而不效者未知其本在於厥陰也厥陰屬風木

與少陽相火同居厥陰之氣逆則諸氣皆逆氣逆則火發火發則風生風生則挾木勢而害土土病則聚液而成痰痰成必歸逆入心爲已土諸症

體用變

標本遷

其本陰其體熱

伏所主

所因先

伏其所主
先其所因

收散互

逆從連

或收或散或逆或
從隨所利而行之

和中氣

妙轉旋

調其中氣使之和平○自伏所主
至此其小註俱內經本文轉旋言

心手靈活也其要旨在調其中氣二句中氣者
土氣也治肝不應當取陽明制其侮也

悟到此

治立痊

症雖可治而任之不
專亦無如之何矣

五淋癰閉赤白濁遺精第十八

五淋病

皆熱結

淋者小便痛澁淋瀝欲去不去欲
止不止是也皆熱氣結於膀胱

膏石勞

氣與血

石淋下如沙石膏淋下如膏脂勞
淋從勞力而得氣淋氣滯不通臍

下悶痛血淋瘀血
停蓄莖中割痛

五淋湯

是秘訣

石淋以此湯煎送髮灰滑石石首
魚頭肉石研末膏淋合華蘼分清

飲氣淋加荆芥香附生麥芽不愈再加升麻或
用吐法勞淋合補中益氣湯血淋加牛膝鬱金
桃仁入麝香
少許溫服

敗精淋

加味啜

過服金石藥與老人陽已痿思色
以降其精以致內敗而爲淋宜前

湯加華蘼石菖蒲
兔絲子以導之

外冷淋

腎氣咽

五淋之外又有冷淋其症外候惡
冷喜飲熱湯宜加味腎氣丸以鹽

湯咽
下

點滴無

名癰閑

小便點滴不通與五淋之短縮不同

氣道調

江河決

前湯加化氣之藥或吞滋腎丸多效孟子云若決江河沛然莫之能

禦也引來喻小便之多也

上竅通

下竅泄

如滴水之器閉其上而倒懸之點滴不能下也去其上閉而水自通

宜服補中益氣湯再服以手探吐

外竅開

水源鑿

又法啟其外竅卽以開其內竅麻黃力猛能通陽氣於至陰之地下

肺氣主皮毛配杏仁以降氣下達州都導水必自高原之義也以前飲加此二味甚效夏月不致用麻黃以蘇葉防風杏仁等分水煎服溫覆微汗水卽利矣虛人以人參麻黃各一兩水煎

服神效

分利多

醫便錯

愈利愈
閉矣

濁又殊

竅道別

淋出溺竅
濁出精竅

前飲投

精愈滴

水愈利而
腎愈虛矣

腎套談

理脾悒

治濁只用腎家套藥不效蓋以脾
主土土病溼熱下注則小水渾濁

溼勝於熱則爲白濁熱勝於溼
則爲赤濁溼熱去則濁者清矣

分清飲

佐黃蘗

華蘗分清飲加蒼朮白朮再
加黃蘗苦以燥溼寒以除熱

心腎方

隨補綴

六八味湯丸加龍牡腎藥也四君
子湯加遠志心藥也心腎之藥與

前飲
間服

若遺精

另有設

與濁病
又殊

有夢遺

龍膽折

有夢而遺相火旺也余每以龍膽
瀉肝湯送下五倍子丸二錢多效

張石頑云肝熱則火淫於內魂不內守故多淫
夢失精又云多是陰虛陽擾其作必在黎明陽
氣發動之時可以
悟矣妙香散甚佳

無夢遺

十全設

無夢而遺是氣虛不能攝精宜十
全大補湯加龍骨牡蠣蓮鬚五味

子黃蘗爲
丸常服

坎離交

亦不切

醫遇此症便云心腎不交用扶
遠志蓮子棗仁之類未中病情

皆不切之
套方也

疝氣第十九

疝任病

歸厥陰

經云任脈爲病外結七疝女子帶下瘕聚丹溪專治厥陰者以肝主

筋又主
痛也

寒筋水

氣血尋

寒疝水疝筋疝氣疝血疝

狐出入

癰頑麻

狐疝臥則入腹立則出腹癰疝大如升斗頑麻不痛

崩治氣

景岳箴

景岳云疝而曰氣者病在氣也寒有寒氣熱有熱氣溼有溼氣逆有

逆氣俱當兼
用氣藥也

五苓散

加減斟

別錄以此方加川練子木通橘核木香通治諸疝

茴香料

著醫林

三層茴香丸治久疝雖三十年之久大如拷棗皆可消散

痛不已

須洗淋

陰腫核中痛千金翼用雄黃一兩礬石二兩甘草一尺水一斗煮二

升洗之
如神

痰飲第二十

痰飲源

水氣作

水氣上逆得陽煎熬則稠而成痰得陰凝聚則稀而成飲然水歸於

腎而受制於脾治者必以脾腎爲主

燥溼分

治痰略

方書支離不可聽只以燥溼爲辨燥痰宜潤肺溼痰宜溫脾握要之

法也宜參之虛癆咳嗽等篇或老痰宜王
節齋化痰丸實痰怪症宜滾痰丸之類

四飲名

宜斟酌

金匱云其人素盛今瘦水走腸間

咳痰喘是也飲後水流在脇下欬唾引痛謂之
懸飲注即今之停飲脇痛症也飲水流行歸於
四肢當汗出而不汗出身體疼重謂之溢飲注
即今之風水水腫症也欬逆倚息氣短不得臥
其形如腫謂之支飲注今之停飲喘滿
不得臥症也又支飲偏而不中正也

參五臟

細量度

四飲猶未盡飲邪之爲病也凡五

及腑者腑屬陽在腑則行矣金匱曰水在心心
下堅築短氣惡水不欲飲水在肺吐涎沫欲飲
水水在脾少氣身重水在肝脇
下支滿噎而痛水在腎心下悸

補和攻

視強弱

宜補宜攻宜和視乎病情亦視乎人之本體強弱而施治也

十六方

各藥

桂枝湯大青龍湯外青龍湯木防

已湯木防已加伏苓芒硝湯澤瀉湯厚樸大黃湯芩薤大棗瀉肺湯小半夏湯已椒薤薤丸小半夏加茯苓湯五苓散附外臺茯苓飲

溫藥和

博返約

金匱云病痰者當以溫藥和之忽揭出溫藥和之四字卽金錢之度

也蓋痰水病也水歸於腎而受制於脾欲水由地中行而歸其壑者非用溫藥以化氣不可也欲水不泛溢而築以隄防者非用溫藥以補脾不可也如苓桂朮甘湯腎氣丸小半夏湯五苓散之類皆溫藥也卽如十棗湯之十枚大棗甘遂半夏湯之半升白蜜木防已湯之參桂薤

湯之大棗亦寓溫和之意至於攻下之法不過一時之權宜而始終不可離溫藥之旨也

陰霾除

陽光灼

飲爲陰邪必使離照當空而羣陰方能退散余每用參苓朮附加生

薑汁之類取效

滋潤流

時醫錯

方中若雜以地黃麥冬五味附和其陰則陰霾沖逆肆空飲邪滔天

莫救矣卽腎氣丸亦宜慎用

眞武湯

水歸壑

方中以茯苓之淡以導之白朮之燥以制之生薑之辛以行之白芍

之苦以泄之得附子本經之藥領之以歸其壑

白散方

窺秘鑰

三因白散之妙喻嘉言解之甚詳見於醫門法律中風門

消渴第二十一

消渴症

津液乾

口渴不止爲上消治以人參白虎湯食入卽飲爲中消治以調胃承

氣湯飲一澠一小便如膏爲下消治以腎氣丸其實皆津液乾之病也趙養葵變其法

七味飲

一服安

趙養葵云治消症無分上中下但見大渴大燥須六味丸料一斤肉

桂一兩五味子一兩水煎六七碗恣意冷飲之睡熟而渴如失矣白虎承氣湯皆非所治也

金匱法

別三般

太陽主津液足大陽主血也飲一

澠一者重在少陰論治以腎氣虛不能收攝則水直下趨腎氣虛不能蒸動則水不能上濟也不能食而氣衝者重在厥陰論治以一身中唯肝火最橫燔灼無忌耗傷津液而爲消渴也金

置論消渴開口卽揭此旨以補內經之未及不必疑其錯簡也

二陽病

治多端

勞傷榮衛漸鬱而爲熱者炙甘草湯可用喻嘉言清燥湯卽此湯變

甘溫爲甘寒之用也熱氣蒸胸者人參白虎湯可用金匱麥門冬湯卽此湯變甘寒而爲甘平之用也消穀大堅者麻仁丸加甘草人參當歸可用妙在滋液之中攻其堅也蓋堅則不能消水如以水投石水去而石自若也消症屬火內鬱之火本足以消水所飲之水本足以濟渴只緣胃中堅燥全不受水之浸潤轉從火熱之勢急走膀胱故小便數愈數而愈堅愈堅而愈消矣此論本前嘉言最精

少陰病

腎氣寒

飲水多小便少名上消食穀多而大便堅名食消亦名中消上中二

消屬熱唯下消症飲一澗一中無火
化可知腎氣之寒也故用腎氣丸

厥陰症

烏梅丸

方中甘辛苦酸並用甘以緩之所

肝之神也苦以降之則逆上之火順而下
行所無事矣故此丸爲厥陰症之總劑○治此
症如此丸外皆不用苦藥恐苦從火化也

變通妙

燥熱餐

有脾不能爲胃行其津液肺不能
通調水道而爲消渴者人但知以

清潤治之而不知脾喜燥而肺惡寒試觀泄瀉
者必渴此因水精不能上輸而惟下泄故爾以
燥脾之藥治之水液上升卽不渴矣余
每用理中丸湯倍白朮加括萎根神效

傷寒瘟疫第二十二

傷寒病

極變遷

太陽主一身之表司寒水之經凡病自外來者皆謂傷寒非寒熱之

寒也變遷者或三陽或三陰或寒化或熱化及轉屬合併之異

六經法

有真傳

太陽寒水其經主表編中備發汗諸法陽明燥金其經主裏編中備

攻裏諸法少陽相火其經居表裏之界所謂陽樞也編中備和解諸法太陰溼土純陰而主寒編中備溫補諸法少陰君火標本寒熱不同所謂陰樞也編中寒熱二法並立厥陰風木木中有火而主熱編中備清火諸法雖太陽亦有裏症陽明亦有表症太陰亦有熱症厥陰亦有寒症而提綱卻不在此也

頭項病

太陽編

二陽俱主表而太陽爲表中之表也論以頭痛項強發熱惡寒爲提

綱有汗宜桂枝湯
無汗宜麻黃湯

胃家實

陽明編

陽明爲表中之裏主裏實症宜三

乾目痛不眠爲經病若惡寒頭痛爲未離太陽
審其有汗無汗用桂枝麻黃法無頭痛惡寒但
見壯熱自汗口渴爲已離太陽宜白虎湯仲景
提綱不以此者凡解表諸法求之太陽攻裏諸
法求之陽明
立法之嚴也

眩苦嘔

少陽編

少陽居太陽陽明之界謂之陽樞

脇滿煩宜大小柴胡湯若寒熱往來於外爲胸
腹痛宜黃連湯痞滿嘔逆宜半夏瀉心湯拒格
食不入宜乾薑黃連人參湯若邪全入於膽府
下攻於脾爲自利宜黃芩湯上逆於胃利又兼

嘔宜黃芩加半夏生薑湯論
以口苦咽乾目眩爲提綱

吐利痛

太陰編

太陰溼土爲純陰之臟從寒化者多從熱化者少此經主寒症而言

宜理中湯四逆湯爲主第原本土爲叔和所亂耳論以腹中滿吐食自利不渴手足自溫腹時痛爲提綱

但欲寐

少陰編

少陰居太陰厥陰之界謂之陰樞有寒有熱論以脈微細但欲寐爲

提綱寒用麻黃附子細辛湯麻黃附子甘草湯及白通湯通脈四逆湯熱用豬苓湯黃連雞子黃湯及大承氣湯諸法

吐衄渴

厥陰編

厥陰陰之盡也陰盡陽生且屬風木木中有火主熱症而言論以消

渴氣上衝心中疼熱飢不欲食食則吐衄下
之利不止爲提綱烏梅丸主之白利下重飲水
者白頭翁湯主之○凡一切宜發表法備之太
陽一切宜攻裏法備之陽明一切宜和解法備
之少陽一切宜溫補法備之太陰一切宜寒涼
法備之厥陰一切宜寒熱兼用法備之少陰此仲
景傷寒論之六經與內經
熱病論之六經不同也

長沙論

歎高堅

仰之彌高
鑽之彌堅

存津液

是真詮

存津液是全書宗旨善讀書者讀
於無字處如桂枝湯甘溫以解肌

養液也卽麻黃湯直入皮毛不加薑之辛熱棗
之甘壅從外治外不傷營氣亦養液也承氣湯
急下之不使邪火灼陰養液也卽麻黃附子細
辛湯用附子以固少陰之根合津液內守不隨

汗湯亦養液也麻黃附子甘草湯以甘草易細辛緩麻黃於中焦取水穀之津而爲汗毫不傷陰更養液也推之理中湯五苓散必啜粥飲小柴胡湯吳茱萸湯皆用人參何一而非養液之理

汗吐下

溫清懸

在表宜汗在胸膈宜吐在裏宜下寒者溫之熱者清之

補貴當

方而圓

虛則補之合上爲六法曰方而圓者言一部傷寒論全是活法

規矩廢

甚於今

自王叔和而後注家多誤然亦是非參半今則不知傷寒論爲何物

規矩盡廢矣

二陳尙

九味尋

人皆曰二陳湯爲發汗平穩之劑而不知茯苓之滲半夏之澁皆能

留邪生熱變成譫語不便等症人皆曰九味羌活湯視麻桂二湯較妥而不知太陽病重須防

侵入少陰此方中有荅地之苦寒服之不汗恐
苦寒陷入少陰變成脉沉細但欲寐之症服之
得汗恐苦寒成伐腎陽陽虛不能內固變成遂
漏不止之症時醫喜用此方其亦知此方之流
弊害人匪淺也

香蘇外

平胃臨

香蘇飲力量太薄不能驅邪盡出
恐餘邪之傳變多端平胃散爲燥

溼消導之劑仲景從無燥藥發汗之
法且外邪未去更無先攻其內法

汗源涸

耗真陰

陰者陽之家也桂枝湯之芍藥及
啜粥俱是滋陰以救汗源麻黃湯

之用甘草與不啜粥亦是保陰以救汗
源景岳誤認其旨每用歸地貽害不少

邪傳變

病曰深

治之得法無不卽愈若逆症壞症
過經不愈之症皆誤治所致也

目擊者

實痛心

人之死於病者少死於藥者多今行道人先學利口以此藥殺人卽

以此藥得名是可慨也吾知其殃在子孫

醫醫法

腦後鍼

聞前輩云醫人先當醫醫以一醫

一醫便救千萬醫救千萬醫便救天下後世無量恆河沙數人耳余所以於醫者腦後痛下鍼

若瘟疫

治相侔

四時不正之氣及方土異氣病人穢氣感而成病則爲瘟疫雖有從

經絡入從口鼻入之分而見證亦以六經爲據與傷寒同

通聖散

兩解求

仲師於太陽條獨挈出發熱不惡寒而渴爲溫病是遵內經人傷於

寒則爲熱病冬傷於寒春必病溫先夏至日爲病溫後夏至日爲病暑之三說也初時用麻杏

甘石湯在經用白虎加人參湯入裏用承氣湯
及太陽之茵陳蒿湯少陰之黃連阿膠湯豬苓
湯厥陰之白頭翁湯等皆其要藥究與瘟疫之
病不同也瘟疫之病皆新感乖戾之氣而發初
起若兼惡寒者邪從經絡入用人參敗毒散爲
匡正託邪法初起若兼胸滿口吐黃涎者邪從
口鼻入用藿香正氣散爲辛香解穢法唯防風
通聖散面面周到卽初起未必內實而方中之
消黃別有妙用從無陷邪之害若讀仲師書死
於句下者聞之無不咋舌而不知其有利無憾

六法備

汗爲尤

汗吐下溫清補爲治傷寒之六法
六法中唯取汗爲要以瘟疫得汗

則生不得汗則死汗期以七日爲準如七日無
汗再俟七日以汗之又參論中聖法以吐之下之
溫之清之補之皆所以求
其汗也詳於時方妙用中

達原飲

昧其由

吳又可謂病在膜原以達原飲爲方創異說以欺人實昧其病由也

司命者

勿逐流

醫爲人之司命熟讀仲聖書而兼臨症之多者自有定識切不可隨

波逐流

婦人經產雜病第二十三

婦人病

四物良

與男子同唯經前產後異耳濟陰綱目以四物湯加香附炙草爲主

凡經前產後俱以此出入加減

月信準

體自康

經水一月一至不愆其期故名月信經調則體自康

漸早至

藥宜涼

血海有熱也宜加味四物湯加續斷地榆黃芩黃連之類

漸至遲

重桂薑

血海有寒也宜加味四物湯加乾薑肉桂之類甚加附子

錯雜至

氣血傷

經來或早或遲不一者氣血虛而經亂也宜前湯加人參白朮黃耆

之類

歸脾法

主二陽

內經云二陽之病發心脾有不

兼鬱結

逍遙長

鬱氣傷肝思慮傷脾宜加味逍遙散

種子者

卽此詳

種子必調經以歸脾湯治其源以逍遙散治其流並已上諸法皆妙

不必他求唯婦人體肥厚者恐子宮脂滿另用二陳湯加川芎香附爲丸

經閉塞

禁地黃

閉塞脈實小腹脹痛與二陽病爲女子不月者不同雖四物湯爲婦

科所不禁而經閉及積瘀實症宜去地黃之濡
滯恐其護蓄血不行也加醋炒大黃二錢桂一
錢桃仁二錢
服五六劑

孕三月

六君當

得孕三月之內多有嘔吐不食名
惡阻宜六君子湯俗疑半夏礙胎

而不知仲師慣用之妙品也高鼓峯云
半夏合參朮爲安胎止嘔進食之上藥

安胎法

寒熱商

四物湯去川芎爲主熱加黃芩白
朮續斷寒加艾葉阿膠杜仲白朮

大抵胎氣不安虛寒者多庸醫
以胎火二字惑人誤人無算

難產者

保生方

橫生倒產漿水太早交骨
不開等症宜保生無憂散

開交骨

歸芎鄉

交骨不開陰虛故
也宜加味芎歸湯

血大下

補血湯

胎猶舟也血猶水也水滿則舟浮血下太早則乾涸而胎阻矣宜當

歸補血湯加附子三錢欲氣旺而推送有力加附子者取其性急加酒所以速著歸之用也保生無憂散治漿水未行此方治漿水過多加味歸芎湯治交骨不開三方鼎峙不可不知

腳小指

艾火燭

張文仲治婦人橫產手先出諸般服藥不效以艾火如小麥大灸產

婦右腳小指頭尖下火立產

胎衣阻

失笑匡

胎衣不下宜以醋湯送失笑散三錢即下

產後病

生化將

時醫相傳云生化湯加減治產後百病若非由於停瘀而誤用之則

外邪反入於血室中氣反因以受傷危症蜂起矣慎之慎之

合諸說

俱平常

已上相沿之套法輕病可愈治重病則不效

資顧問

亦勿忘

商治時不與眾醫談到此法反爲其所笑

精而密

長沙室

金匱要略第二十卷義精而法密

妊娠篇

丸散七

蓋以湯者蕩也妊娠以安胎爲主

攻補俱不宜驟故緩以圖之卽此是法

桂枝湯

列第一

此湯表症得之爲解肌和營衛內

爲傷寒首方此於妊娠篇列爲第一方以喝醒千百庸醫之夢亦卽是法師云婦人得平脈陰

脈小弱其人渴不能食無寒熱名妊娠桂枝湯
主之注陰搏陽別爲有子今反云陰脈弱小是
孕只兩月蝕下焦之氣不能作盛勢也過此則
不然○妊娠初得上下本無病因子室有凝氣
溢上下故但以芍藥一味固其陰氣使不得上
溢以桂薑甘棗扶上焦之陽而和其胃氣但令
上焦之陽氣充能禦相侵之陰氣
足矣未嘗治病正所以治病也

附半薑

功超軼

時醫以半夏附子墜胎不用乾薑

補命門之火以保胎半夏和胃氣以安胎乾薑
煖土臟使胎易長俗子不知

肉十方

皆法律

桂枝湯治妊娠附子湯治腹痛小
腹如肩茯苓桂枝丸治三月餘漏

下動在臍上爲癥瘕當歸芍藥散治懷妊腹中
病痛乾薑人參半夏丸治妊娠嘔吐不止當歸

產後篇 有神術

共九方

小柴胡 首特筆

妊娠以桂枝湯爲第一方產後以小柴胡湯爲第一方卽此是法○新產婦人有三病一者病瘕二者病鬱冒三者大便難○產婦鬱冒脈微弱嘔不能食大便反堅但頭汗出者以小柴胡湯主之

竹葉湯

風痙疾

金匱云產後中風發熱面正赤喘而頭痛竹葉湯主之錢院使注云

中風之下當有病痙者三字○按庸醫於此症以化生湯加薑桂荅益母草之類殺人無算

陽旦湯

功與匹

卽桂枝湯增桂加附子活人以桂枝湯加黃芩者誤也風乘火勢火

借風威灼筋而成痙宜竹葉湯若數日之久惡寒症尙在則爲寒風宜此湯二湯爲一熱一寒之對子○師云產後風續續數十日不解頭微痛惡寒時時有熱心下悶乾嘔汗出雖久陽旦證續在者可與陽旦湯

腹痛條

須詳悉

此下八句皆言腹痛不同用方各異

羊肉湯

疝痛證

疝痛者痛之緩也爲虛症

痛滿煩

求枳實

滿煩不得臥裏實也宜枳實芍藥散二味無奇妙用以麥粥下之

著臍痛

下瘀血

腹中有瘀血著於臍下而痛宜下瘀血湯

痛而煩

裏熱室

小腹脹滿雖爲停瘀而不大便日晡

裏而不行非血自結於下直攻其瘀而可愈也金匱以大承氣湯攻熱

攻涼施

毋固必

攻有大承氣湯涼有竹皮大丸白頭翁加甘草阿膠湯金匱云病解

能食七八日更發熱者此爲胃實大承氣湯王之又云婦人乳中虛煩亂嘔逆安中益氣竹皮大丸主之又云產後下利虛極白頭翁加甘草阿膠湯主之讀此則知丹溪產後以大補氣血爲主餘以未治之說爲大謬也

雜病門

還熟讀

金匱云婦人雜病以因虛積冷結氣六字爲綱至末段謂千變萬端

總出於陰陽虛實而獨以弦緊爲言者以經阻之始大概屬寒氣結則爲弦寒甚則爲緊以此爲主而參之兼脈可也

二十方

效俱速

隨證詳

難悉錄

唯溫經

帶下服

十二癥九痛七害五傷三痛共三十六種因經致病統名曰帶下言

病在帶脈非近時赤白帶下之說也溫經湯治婦人年五十前陰下血暮發熱手掌煩熱腹痛口乾云云其功實不止此也

甘麥湯

臟燥服

金匱云婦人臟燥悲傷欲哭象如神靈所作數欠伸甘麥大棗湯

藥到咽

效可卜

關中諸醫因余用此數方奇效每
繕錄於讀本之後亦醫風之將轉

也余日
望之

道中人

須造福

小兒第二十四

小兒病

多傷寒

喻嘉言曰方書謂小兒八歲以前
無傷寒此胡言也小兒不耐傷寒

初傳太陽一經早已身弱多汗筋脈牽動人事
昏沉勢已極於本經誤藥卽死無由見其傳經
所以謂其無傷寒
也俗云驚風皆是

稚陽體

邪易干

時醫以穉陽爲純陽
生死關頭開手便錯

凡發熱

太陽觀

太陽主身之表小兒腠裏未密最
易受邪其症頭痛項強發熱惡寒

等小兒不能自明
唯發熱一捫可見

熱未已

變多端

喻嘉言曰以其頭搖手動也而立

而立目斜心亂搖擗之名以其卒口噤腳攣急也
立角弓反張之名迨出種種不通名目謂爲驚
風而用攻痰鎮驚清熱之藥投之立死矣不知
太陽之脈起於目內眥上額交巔入腦還出別
下項夾脊抵腰中是以見上諸症當時若以桂
枝湯照法服之則無餘事矣過此失治則變爲
痙症無汗用桂枝加葛根湯有汗用桂枝加枯
雙根湯此太陽而兼陽明之治也抑或寒熱往
來多嘔以桂枝湯合大柴胡湯或小柴胡湯此
太陽而兼少陽之治

太陽外

仔細看

喻嘉言云三日卽愈爲貴若待經
盡方解必不能耐矣然亦有兩得

去而傳他經者亦有卽時
見他經之症者宜細認之

遵法治

危而安

遵六經提綱之法而
求之詳於傷寒論

若吐瀉

求太陰

太陰病以吐食自利不渴手足自
溫腹時痛爲提綱以理中湯主之

吐瀉甚

變風淫

吐瀉不止則土虛而木邪乘之左
傳云風淫末疾末四肢之末也卽

抽掣攣
急之象

慢脾說

卽此尋

世謂慢脾風多死而不知卽太陰
傷寒也有初時卽傷於太陰者有

漸次傳入太陰者有誤用神麴麥芽山查蘿菔
子枳殼葶藶大黃瓜萆膽南星等藥陷入太陰
者旣入太陰其治同也如吐瀉後冷汗不止手
足厥逆理中湯加入附子或通脈四逆湯白通

湯佐之此太陰而兼少陰之治也如吐瀉手足厥冷煩躁欲死不吐食而吐涎沫服理中湯不應宜吳茱萸湯佐之此太陰而兼厥陰之治也若三陰熱化之證如太陰腹時痛時止用桂枝加芍藥湯大便實而痛用桂枝加大黃湯少陰之欬而嘔渴心煩不得眠宜豬苓湯心中煩不得臥宜黃連阿膠湯厥陰之消渴氣衝吐衄下利宜烏梅丸下利後重喜飲水用白頭翁湯等症亦間有之熟傷寒論者自知而提綱不在此也

陰陽證

二太擒

三陽獨取太陽三陰獨取太陰擒賊先擒王之手段也太陽陽明少

陽爲三陽太陰少陰厥陰爲三陰

千古秘

理蘊深

喻嘉言通禪理後得異人所授獨得千古之秘胡臣曰習幼科者

能虛心領會便可免乎殃咎
若駭爲異說則造孽無極矣

卽痘疹

此傳心

痘爲先天之毒伏於命門因感外邪而發初起時用桂枝湯等從太

陽以化其氣氣化則毒不留自無一切鬱熱諸
症何用服連翹紫草牛旁生地犀角石膏芩連
諸藥以致寒中變症乎及報點已齊後冀其漿
滿易於結痂而愈當求之太陰用理中湯等補
中宮土氣以爲成漿脫痂之本亦不賴保元湯
及鹿茸人乳糯米桂圓之力也若用毒藥取漿
先損中宮土氣漿何由成誤人不少此古今痘
書所不言唯張隱菴侶山堂類辨微露其機於
言外殆重其道而不敢輕洩歟疹症視痘症稍
輕亦須知此法高士宗醫學真傳有桂枝湯加

金銀花
紫草法

誰同志

度金鍼

附敷藥拔風害人說

金匱云人得風氣以生長此一語最精風卽氣也人在風中而不見風猶魚在水中而不見水鼻息出入頃刻離風卽死但風靜卽爲養人之和風風動卽爲殺人之邪風若大人之中風小兒之驚風卒倒搐掣角弓反張目上視口流涎皆風動之象卽氣之乖也醫者宜化邪風爲和風卽所以除邪氣而匡正氣聞中市醫遇小兒諸病及驚癇危症以葦麻子巴豆南星萊菔子全蝎大黃急性子皂角爲末加檳皮冰片麝香以香油或白蜜或薑蔥汁調敷於顙門以及胸中臍中足心爲拔風法秘其方以射利十敷十死旣死而仍不歸怨之者以爲外敷之法不妨姑試俟未效而卽去之似不爲害而不知一敷

之後元氣爲其拔散卽揭去其藥而旣散之氣永不能使之復聚矣
况顛門爲元陽之會胸中爲宗氣之宅臍中爲性命之根足心爲腎
脈之本皆不可輕動昔人以附子海狗腎補藥敷於臍中而藥之名
醫猶且戒其勿用况大傷人之物乎凡以保赤爲心者宜共攻此法
而又有惑於急驚慢驚食積之說預用羌活獨活防風秦艽前胡赤
芍鈎藤鈎荊芥天麻厚樸神麴山查蒼朮膽星葶藶子蘿蔔子貝母
牛黃硃砂天竺黃枳殼杏仁石膏蒲甘草或合爲一方或分爲二三
方者亦五十步笑百步耳